



Fernand ETGEN  
President vun der  
Deputéiertechamber  
19, um Krautmaart  
L-1728 Lëtzebuerg

Lëtzebuerg, , den 09/11/2020

**Här President,**

**Sou wéi den Artikel 83 vun eisem Chambersreglement et virgesäit, bieden ech Iech, dës parlamentaresch Fro un d'Ministère fir Digitalisatioun & Ëffentlechen Déngscht weiderzeleeden.**

Mat der EU Direktive 2014/55/UE solle Betriber an och de Staat encouragéiert ginn, op een elektronesche Reschnungssystem zréck ze gräifen. Esou ee System huet virun allem ökologesch Virdeeler par rapport zu Pabeiersrechnungen.

D'EU Direktive sollt vun de Ministèren, 18 Méint no hirer Publikatioun, also de 6.11.2015, ëmgesat ginn. D'lokal a regional Administratiounen haten 30 Méint Zäit, also bis de 6.11.2016.

An deem Zesammenhang wéilt ech de Ministeren dës Froe stellen:

1. Benotzt méttlerweil all Administratioun dee vun der Direktive virgesinne System?

Huet de Minister Statistiken, deene verschiddene Ministèren no opgeléicht, zum Gebrauch vun der Facturation électronique?

2. Ginn et Statistiken zum wirtschaftlechen Impakt vun dëser Digitalisatiounsmossnam op d'Entreprisë an op de Staatsbudget?

Ginn et Statistiken zum ökologeschen Impakt vun dëser Digitalisatiounsmossnam?

3. Donnéeën vun de Factures électroniques ginn op Servere gespäichert, déi d'Confidentialité vun den Donnéeën solle garantéieren.

- Goufen et Formatiounen, fir sécher ze stellen, dass déi zoustänneg Léit an den Administratiounen den néie System richteg a sécher notzen? Falls jo, wéi vill Employéen oder Fonctionnaires hunn un esou Formatiounen deelgeholl?
- Wéi gesäit et mat de privat Betriber aus, wéi gouf assuréiert, dass och hier Aarbechter richteg mat dem System vun de factures électroniques ëmginn?
- Ass virgesi, fir regelméisseg Sensibiliséierungscampagnë, fir d'Mataarbechter



beim Staat esou wéi am privat Secteur zu dësem Thema ze organiséieren?

4. Gesäit de Ministère vir, privat Betriber zur Ëmstellung op esou ee System ze verpflichten? Falls jo, ab wéini wier esou eng Obligatioun virgesinn?

Mat déiwem Respekt,



CLEMENT Sven  
Député

